



第九七册

四庫全書

● 上海古籍出版社

本冊目次

周禮註疏刪翼

明主志長撰……………一

欽定四庫全書

經部
周禮註疏刪翼卷一

詳校官監察御史臣徐如澍

刑部郎中臣許兆椿覆勘

總校官編修臣王燕緒

校對官主事臣陳文樞

謄錄監生臣蔣式增

欽定四庫全書

經部四

周禮注疏刪翼

禮類一周禮之屬

提要

臣等謹案周禮注疏刪翼三十卷明王志長撰志長字平仲崑山人萬厯中舉人明史文苑傳附見其兄志堅傳中稱其亦深於經學其書於鄭注賈疏多刊其繁文故謂之刪又雜引諸家之說以發明其義故謂之翼周禮一書

欽定四庫全書

周禮注疏刪翼

得鄭注而訓詁明得賈疏而名物制度考究備後有作者弗能越也周張程朱諸儒自度徵實之學必不能出漢唐上故皆無專書其傳於今者王安石王昭禹始頗立異說王與之始兼採羣言葉時鄭伯魚始借經以抒議其於經義益在離合之間於是考證之學漸變為論說之學而鄭賈幾幾乎廢棄矣志長此書亦多採宋以後說浮文妨要蓋所不免

欽定四庫全書

恭校上

周禮註疏附錄

三

而能以註疏為根柢尚變而不離其宗又朱申以後苟趨簡易變難叙官俞庭椿邱葵以後復各騁臆見竄亂諸職沿及明代彌逐類波併經文亦非其舊志長能恪遵古本亦為力遏橫流在經學荒蕪之日臨深為高亦可謂研心古義者矣惠棟作精華錄訓纂因金縢誤引其文遂併以村書詆志長乃相輕已甚之詞不必盡允也乾隆四十六年十二月

總纂官臣紀昀臣陸錫熊臣孫士毅

總校官臣陸費墀

欽定四庫全書

周禮註疏刑異卷一

明 王志長 撰

天官冢宰第一

疏鄭目錄云象天斯立之官冢大也宰者官也天

統理萬物天子立冢宰使掌邦治亦所以總御衆

官使不失職○又曰宰者調和膳羞之名冢宰亦

能調和衆官故云冢宰也司徒司馬司寇司空各

欽定四庫全書

周禮註疏附錄

一

能一官不兼羣職故皆云司冢宰不言司以總御

衆官不主一官之事宗伯亦不言司者以其祭祀

鬼神鬼神非人所主故也○劉氏中義曰山既高

矣其上又有頂為冢宰者司主之名○節卿鄭氏

曰或問冢宰一官其屬六十未有一事關乎天

者何也曰古之大臣其所謂寅亮天地變理陰

陽者若歷官星翁太史卜祝之所為乎凡論道

經邦以轉移人主之心術而釐正天下之萬事

者皆寅亮變理也皆對時育物撫五辰而熙庶績者也是故日月之薄蝕百川之沸騰詩人所以刺卿士較洛之闕太子晉以歸咎於執政馬和同天人之際使之無間然者雖聖人之能事而大臣實輔佐之其誰曰人事之非天理也加天官於冢宰之上其尊大臣也雖至所以責大臣益深矣○葉氏時曰六卿分配天地四時而冢宰以天名官則其任尤重嘗觀虞書司徒敷典猶地官也而典則曰天敘秩宗典禮猶春官也而禮則曰天秩五服五章猶司服典命之職也而曰天命有德五刑五用猶司寇司刑之職也而曰天討有罪一則曰亮天功二則曰代天工同寅協恭無往而不以天自處今冢宰掌建邦之六典何者而非天也以天官命冢宰而加於五官之上其待大臣也彌尊其責大臣也彌重故任大臣而不能致敬名曰裒天為大臣而不

能任責名曰誣天昔陳平不知錢穀決獄而謂宰相順四時理陰陽丙吉不問清道羣鬪而問牛喘謂三公典調和陰陽夫四時果順陰陽果和尚復何媿不和不順而姑藉是以文其不知不問之失吾誰欺欺天乎惜無以天官之學告之者○龍溪王氏曰宰相謂之調和鼎鼐譬諸庖人之治庖五味備於主人庖人特從而調和之非有所挾也苟挾一味以與之爭能則反滷矣是故不挾一味者庖人之職也不挾一技者大臣之業也○潛溪鄧氏曰天官卿與六官並列何也曰易乾坤與六子亦並列也天地四時一不具即覆載生成之德詎有偏乎其並列象分異也其聯事象同也譬則風雨露雷共而化工宣生長收藏合而歲功成血脈經絡相轉輸而百體清和咸理也然何獨事聯也天官者以治教禮政刑事為其治者也地官者以教治禮政刑事為其教者也春官者以禮治教

政刑事為其禮者也夏官者以政治教禮刑事為其政者也秋官冬官者以刑事治教禮政為其刑為其事者也譬言天而五行四時統於天言地而五運四氣統於地春夏秋冬各以其時行而覆載生成之德各正具備也播五行於四時而木火土金水歲月日時干支子母迭而運也○愚按王者代天以治天下苟天覆地載春生夏長秋收冬藏之德一不備即不足以全乎君而為民極故天官地官云云者若曰此王者天德地德與春夏秋冬之德所分寄之官非即以天地等名官也至冢宰司徒等則各因職掌所命之名蓋王者以治法天之照臨故天官守治典以教法地之厚載故地官守教典以禮法春之生育故春官守禮典以政法夏之雷震故夏官守政典以刑法秋之肅清故秋官守刑典以事法冬之各正保合故冬官守事典不然天官六十屬何與於天事且天君象也繫官於

天臣子儼然以天自處六卿分理之義謂何

惟王建國註建立也周公居攝而作六典之職謂之周禮營邑於土中七年致政成王以此禮授之使居雒邑治天下司徒職曰日至之景尺有五寸謂之地中天地之所合也四時之所交也風雨之所會也陰陽之所和也然則百物阜安乃建王國焉

辨方正位註玄謂考工匠人建國水地以縣置槷以縣視以景為規識日出之景與日入之景晝參諸日中之景夜考之極星以正朝夕是別四方正位謂定宮廟體國經野註體猶分也經謂為之里數鄭司農云營國方九里國中九經九緯左祖右社面朝後市野則九夫為井四井為邑之屬是也

疏南北之道謂之經東西之道謂之緯宗廟為陽故在左社稷為陰故在右三朝君臣治政之處故在前三市貪利行刑之處故在後也

設官分職以為民極註極中也令天下之人各得其中

不失其所

王氏曰四海之治歸王畿王畿歸王朝王朝歸王躬而王建其有極王道不出於此故六官篇首皆以此語冠之也○葉氏時曰極也者不識不知順帝之則如堯之立民是也是算是訓於帝其訓如周之數言是也蓋王畿立而後根本定方位設而後等級明國野分而後彊理正官職舉而後綱目張民極之立孰有大於此者先正范公有言曰曲禮三千一言以蔽之曰毋不敬愚竊曰經禮三百一言以蔽之曰為民極○節卿鄭氏曰或問周公之序六典也辨方正位體國經野設官分職之下每終之以為民極此特建國之始耳未見其有與於民也民何以遽取則於此哉曰先王之教天下未始有精粗本末之間也有如王之立朝后之居市朝之在前市之在後公卿大夫之在朝百工商賈之在市人見其為辨方正位而已經涂之九軌而野涂之五軌宮隅之制而以為諸侯

欽定四庫全書

周禮注疏卷第一

六

之城制都之經涂體野涂焉諸侯之經涂體環涂焉人知其為體國經野而已朝官居朝市官居市卿大夫王后入市則有罰二鄉則公一人一鄉卿一人繇此而統六遂繇此而倡九牧人知其為設官分職而已孰知其所以定民之志而為教之大者固在於此耶夫朝不混市野不踰國人不侵官后不敢以奸王之權諸侯不敢以僭天子之制公卿大夫不牟商賈之利六卿九牧相屬而聽命於三公夫彼皆民上也皆富且貴焉者也而尺寸不敢踰一毫分守不敢易所以習民於尊卑等威階級之中銷其亡等冒上之心而寓其道德之意蓋孔子所謂吾無行而不與二三子者是以民服事其上而下無覬覦賤不尤貴卑不踰尊舉一世之人皆安於法度分守之內志慮不易視聽純一易直淳龐而從上之令父詔其子兄授其弟長率其屬何往而非五禮六樂三物十二教哉方位國野設官分職何往而非以為極哉嘗讀晉之

欽定四庫全書

周禮注疏卷第一

七

之國語每歎絳之富商民章藩木榎過朝之事以為富商之饒於財使之澤其車而華其服非不足也而必易車服於過朝之際不敢混然與士大夫無別焉民志之定而中道之存成王周公之遺化固隱然在此也

乃立天官冢宰使帥其屬而掌邦治以佐王均邦國註邦治王所以治邦國也鄭司農云邦治謂總六官之職也故大宰職曰掌建邦之六典以佐王治邦國六官皆

欽定四庫全書

明禮記疏

總屬於冢宰故論語曰君薨百官總已以聽於冢宰言冢宰於百官無所不主爾雅曰冢大也冢宰大宰也

鄭云宰主也于云濟其清濁和其剛柔而納之中和

曰宰疏周禮以邦國連言者據諸侯也單言邦單言國者多據王國也然不先均王國而言均邦國者王之冢宰若言王國恐不兼諸侯今言邦國則舉外可以包內也○劉氏中義曰天者萬物性命資之為始故冢宰掌治以法天焉地者萬物形質資之為生故

司徒掌教以法地焉天官掌其治地官掌其教遂天之所以始成地之所以生俾萬物各正性命者也○

范氏曰古之王者惟任一相以治天下唐虞有百揆夏商周可知也周之冢宰實總六卿自司徒以下分職以聽焉詔王廢置者宰也是以治出於一政有所統相得其職君得其道恭己無為而治蓋以此也後世多疑於人宰相之職分而不一君以為權在於己臣亦以為政在於君國之治亂民之休戚無所任責

欽定四庫全書

明禮記疏

故賢者不得行其所學不肖者得以苟容於其間錄官不正任不專也其有功烈見於世稱為賢相者必其得君之專任職之久言行計從出於一人者也如欲稽古以建官必以一相統天下始可以言治矣○東萊呂氏曰冢宰均邦國者是使若貴若賤若小若大各得其平爾古之稱宰相者多以平為主若商則謂之阿衡阿衡平之謂也天之所以立君命相者不過欲平天下之所不平者爾使四海之內貴者貴賤

者賤耕者耕織者織士農工賈鰥寡孤獨事事物物咸適其宜是宰相均平天下之道均之一字是宰相之大綱大抵天下本無事須是識得易簡道理能行其所無事方盡得宰相均平之職不是要作聰明之謂

治官之屬大宰卿一人小宰中大夫二人宰夫下大夫四人上士八人中士十有六人旅下士三十有二人註變家言大進退異名也百官總焉則謂之家列職於王則稱大冢大之上也山頂曰冢旅衆也下士治衆事者自大宰至旅下士轉相副貳皆王臣也

疏百官總焉則稱冢是進異名列職於王謂不總百官與五卿並列則稱大是退異名也

府六人史十有二人註府治藏史掌書者凡府史皆其官長所自辟除

胥十有二人徒百有二十人註此民給徭役者胥讀如謂其有才知爲什長

欽定四庫全書

周禮注疏

十

疏按宰夫八職云府掌官契以治藏史掌官書以贊治胥掌官敍以治敍徒掌官令以徵令府史大例皆府少而史多而府又在史上唯御史百有二十人特多而在府上鄭云以其掌贊書數多也又有府兼有史以其當職事繁故也或空有史而無府者以其當職事少得史即足故也至於角人羽人等直有府無史以其當職文書少而有稅物須藏之故直有府也膳人食醫等府史俱無者以其專官行事更無所須故也周禮之內惟天府一官府特多於史以其所藏物重故也胥有才智爲什長徒給使役故一胥十徒也按禮記王制曰下士視上農夫食九人祿足以伐耕則府食八人史食七人胥食六人徒食五人其官並亞士故號庶人在官者也○陳氏集說牛弘問劉炫曰周禮士多而府史少何也炫曰古人委任責成歲終攷其殿最案不重校文不煩悉府史之任掌要目而已今則不然大小之官悉緣吏部纖介之迹

欽定四庫全書

周禮注疏

十

皆屬考功省官不如省事官事不省而望從容其可得乎○官制云大宰為正小宰為貳宰夫為考以至旅下士凡六十三人而府史胥徒止百五十人五官亦然夫官若是其衆而其下吏止若此先王所以省吏員者亦至矣吏省則其祿易給吏有祿則人知自愛故當時庶人之在官凡有秩祿者無非賢德之人而漢猶做此意佐史有斗食之秩長安游徼吏有百石之秩左馮翊有二百石卒史張敞為膠東相吏追

欽定四庫全書

周禮注疏

卷一

捕有功者得一切比三輔尤異自是以後百石吏皆差自重賢人君子往往多出其間得先王遺意後世不然自鄉差之法變為領役天下之事付之游手之民又從而奪其庸是教之為姦而又授之具也上至朝廷下至州縣每一職一司官長不過數人而胥吏不勝其衆則夫官之不勝吏奸也亦明矣天下何從而治哉錄此言之則夫大宰之所以省吏員者直欲夫祿之易給也吏之所以給其祿者直欲人之知自

愛也○節卿鄭氏曰或問大宰至旅下士其為官凡六十有三而為府者六為胥與史者皆十有二而為徒者百有二十何也曰此皆兼官也專官行事則不足兼官行事則有餘矣蓋自唐虞以來禹以司空而兼百揆羲和以二人而兼四岳及舜二十二人之治則四岳實一人兼之古者官不必備惟其人而已有其人則備無其人則兼是以周官之作實效唐虞之制而官事不攝吾夫子所以深責管仲變先王之

欽定四庫全書

周禮注疏

卷一

法也以三公言之召公為保周公為師而太傅無有焉二公實兼之也周公既歿召公為保而太師太傅無有焉召公實兼之也不惟此也三公之下實有三少當時不見其人召公又兼之乃同召太保爽芮伯彤伯畢公衛侯毛公是六卿之長召公又兼之蓋一人之身而兼總七職矣抑不惟此也當是時三公三少既難其人而六卿之官亦不必備周公以三公兼冢宰召公以三公兼宗伯蘇公以三公兼司寇畢公

毛公以三公兼司馬司空惟成王之季年芮伯彤伯衛侯實專領司徒宗伯司寇之職其餘大抵皆兼官也其大者猶兼而況於百官羣有司乎故當以周禮考之二卿則公一人是三公兼卿老也一卿則卿一人是六卿兼卿大夫也軍將皆命卿是六卿又兼六軍之將也甚者太公以太師而兼司盟之職載在盟府太師職之是也蘇公以三公而兼太史之職太史司寇蘇公是也故夫六官之中以春夏秋冬為通率以多少相乘除大約一官凡五百人則六官凡三千人而其兼行權攝者意其必相半焉是以局分不必設府史胥徒不別置雖置而其數亦未嘗過濫也且不見卿老遂師而下乎府史胥徒四者俱無有何獨於天官冢宰而疑之也若夫專官行事勢宜多而不宜省則敵人之與甸師其徒皆三百人而春官御史其史則百有二十八人矣○又曰府史胥徒蓋九職中間民無常職轉移執事者也以天官攷之凡二千六

百九人奄人閹人內豎等六十四人九嬪世婦女御女祝女史女酒女漿女籩女醯女鹽女羹等共一千一十六人總食祿者三千六百八十九人地官除山虞川衡司關司門等不可攷者尚三千餘人以天官為準通以三千六百人為額不限以兼攝則六官凡一萬九千八百人可賦田則給之田不可賦田則給之祿其祿以百畝為差孟子曰下士與庶人在官者同祿祿足以代其耕也耕者之所獲一夫百畝百畝之糞上農夫食九人至下食五人庶人在官者其祿以是為差則庶人在官之祿凡五等也今通以百畝為限則食祿一萬九千八百夫王畿千里之內提封百萬井十一以供稅則所入無限而以一萬九千夫田之祿以給庶人在官者何患不能足哉而況於兼權者乎又況闕市有稅山林川澤有稅四方諸侯歲貢無限以之供郊廟賓客之費蓋甚優矣或者疑其不能給殆未深攷也何以言之百萬井之田為井九

百萬夫井稅一夫則入於公者九十萬夫除其山林城池苑囿三分之一則收田稅六萬四千井為田五萬六千六百夫除其府吏胥徒之食尚餘三萬七千以下夫也○愚按成周之制下士與庶人在官者同祿故知官與吏無甚分也兩京去古未遠蕭曹以刀筆更佐命為元勲故終西都之世公卿多出胥吏而儒雅賢厚之人亦多借徑於吏以發身博士弟子之明經者多補太守卒吏東漢流品漸分然以胡廣而不免為郡散吏袁安世傳易學為縣功曹應奉讀書五行並下而為郡決曹吏王充徐穉皆以從事功曹起家而不以為屈無他始有祿以養其廉而後有功名之途以盡其用也則周官之府吏胥徒其不以卑職冗員限其終身可知已後世不為之謀其生而但為之抑其格則犯科為姦不自愛重者十人而九此亦為之長者之過也

宮正上士二人中士四人下士八人府二人史四人胥

欽定四庫全書

周禮注疏

卷五

四人徒四十人註正長也宮正主宮中官之長

疏序官不以官之尊卑為先後皆以緩急為次第此宮正之隸天官為前內宰等八天官為後也○官制曰宮正王宮宿衛官之長○雜說先王陳設兵衛皆伯相冢宰統之召伯以西伯為相命仲桓南宮毛俾爰齊侯呂伋呂伋大司馬之屬亦須命而後行蓋宰臣統宿衛也此最有意○雜說環衛官有兩項一項是公卿士大夫子弟為之分制八隅宮伯領之一項是官府在王宮服役為之分置於士庶子八次八舍之間周列環衛分置區廬宮正領之宮伯所掌在漢時所謂郎衛宮正所掌在漢時所謂兵衛周盡屬冢宰至春秋猶存如潘崇為太師掌環列之尹至漢郎衛屬之郎中令兵衛屬之衛尉二項已是分別然光祿勳掌典謁署郎而太尉部之則亦隸於三公但以文屬無所徵令於其間也至武侯相蜀深慮宮中府中不為一體則當時官府判矣○陳氏禮書曰周官

欽定四庫全書

周禮注疏

卷五

宮正掌王宮之戒令糾禁以時比宮中之官府次舍之衆寡為之版以待宮伯掌王宮之士庶子凡在版者鄭康成皆曰官府之在宮中者若膳夫王府內宰內史之屬士謂王宮中諸吏之適子誤也蓋士衛士也庶子國子之倖未為士者也上言士下言庶子則國子舉矣宮正掌凡宮中之官府次舍之衆寡宮伯掌士庶子授次舍之職事則宮伯所掌皆宿衛之人宮正所掌不特宿衛而已次其宿衛所在也舍其休沐所在也八次八舍布於王宮四角四中則遠過節而檄侯便矣士庶子非王族則功臣之世賢者之類王以自近而衛焉則上下親而內外察矣又宮正稽其功緒糾其德行會其什伍而教之道藝宮伯掌其政令誅賞使之學問日進職業日修足以備顧問謹侍衛則王宮之左右前後孰非多聞直諫之士乎秦有郎中令掌宮殿門戶漢武帝更名光祿勳其屬有議郎中郎侍郎郎中凡四等謂之三署郎而中郎以下

更直執戟內謹門禁外充車騎類取明經行修者充之至於公車特起賢良方正端朴有道高節公府掾曹試博士者多在此選而劉向霍光張安世東方朔揚雄之徒皆與焉是以董仲舒欲使列侯郡守二千石各擇其吏民之賢者歲貢二人以給宿衛且以觀大臣之能館陶公主為子求郎明帝曰郎官上應列宿出宰百里苟非其人民受其殃則宿衛之選可謂重矣魏晉以後無復三署郎而光祿不在禁中至梁改為光祿卿北齊曰光祿寺兼掌膳食帳幕而已唐為三衛五府以品官之子弟使父兄保任而後處之亦古之遺制也○王氏曰以分職言宮正掌百官府執事於王宮者之長宮伯掌士庶子宿衛於王宮者之長以兼職言則宮正總王宮之戒令糾禁宮伯亦隸之○干寶曰言司者總其領司會之屬言師者訓其徒甸師之屬言職者主其業職內之屬言衛者平其政虞衡之屬言掌者主其事掌舍之屬言氏者世

其官師氏之屬言人者終其身庖人之屬不氏不人
權其材也宮正膳夫內外饗之屬

宮伯中士二人下士四人府一人史二人胥二人徒二
十人

莊渠魏氏曰宮正宮中官之長宮伯副之先王燕居
宮中宦寺婦人皆不得在側左右前後所與居者惟
士耳

膳夫上士二人中士四人下士八人府二人史四人胥十
人

欽定四庫全書

禮記注疏

卷一

有二人徒百有二十人註膳之言善也今時美物曰珍
膳膳夫食官之長詩曰仲允膳夫

王先生曰昔杜蕢以晉平公有卿佐之喪而飲酒樂
遂酌以飲工而罪其司聰酌以飲嬖而罪其司明酌
自飲而罪其司味味以行氣氣以實志志以定言言
以出令臣實司味而二御失官而君弗命臣之罪也故
後世以杜蕢之爵謂之杜舉後世以仲允為之周道
微矣膳夫得人則如杜蕢非其人則如仲允此其所

以次於宮伯也○官制曰此猶漢少府本朝御前供
奉官○何氏曰丘氏曰膳夫以下庖饗亭人等官皆

以士為之而屬之冢宰以人君一身六軍萬姓之主
宗廟社稷之所關飲食不可輕也愚謂王莽之椒酒
梁冀之煮餅皆因飲食以肆大惡使周公之法行寧
有是禍乎○愚按後世以飲食肆其大惡未嘗不即
出於大臣安在膳夫庖饗統於冢宰遂可絕亂萌乎

噫是未嘗深政其義也讀周禮者謂六官之屬統於
冢宰

欽定四庫全書

禮記注疏

卷一

御而五官總聽於冢宰一人惟端拱於上食租衣稅
而已乎蓋六官得其人而後全乎其為冢宰也冢宰
得其人而後全乎其為君也冢宰賢則天下治冢宰
不賢則天下亂而冢宰之賢不賢惟君是視是故堯
舜之時民飢不足憂民溺不足憂而惟兢兢於得相
書曰知人則哲惟帝其難之又曰能哲而惠何憂乎
驩兜何遷乎有苗何畏乎巧言令色孔壬勞於求賢
逸於得人蓋君之難有劇於百執事倍蓰而無算者

矣此周禮不言之微意也

庖人中士四人下士八人府二人史四人賈八人胥四人徒四十人註庖之言苞也裹肉曰苞且賈主市買知物賈

內饗中士四人下士八人府二人史四人胥十人徒百人註饗訓亨煎和之稱內饗所主在內

疏饗和也熟食須調和故曰饗所主在內者以掌王及后世子并宗廟之事也

欽定四庫全書

周禮注疏卷一

五

外饗中士四人下士八人府二人史四人胥十人徒百人註外饗所主在外

疏掌外祭祀及邦饗孤子者老

亨人下士四人府一人史二人胥五人徒五十人註主為內外饗煮肉者

莊渠魏氏曰今之廚役也古乃以士為之事外無道

道外無事往世士多清談日用之事委諸下人以為

賤役事道判矣讀周禮者其以此類求之庶知古人

溫恭朝夕執事有恪之道○愚按亨人為內外饗煮肉其亦有內外亨人歟

甸師下士二人府一人史二人胥三十人徒三百人註郊外曰甸甸師主共野物官之長

疏甸地即在百里遠郊外天子籍田又在南方甸地故稱此官為甸師也然此官主地事不在地官者以其共野之薦又給薪蒸以共烹飪故次亨人也徒三百人者天子籍田千畝借此三百人耕耨故特多也

欽定四庫全書

周禮注疏卷一

五

○雜說甸師下士也得為獸人中士之長太史下大夫得為內史中大夫之長以卑而統尊極有深意存乎其間如前漢元封五年置部刺史二十石不法皆得以六條例降六百石官之

獸人中士四人下士八人府二人史四人胥四人徒四十人

獸人中士二人下士四人府二人史四人胥三十人徒三百人

斂人下士四人府二人史二人徒十有六人

潛溪鄧氏曰吳氏以甸師屬宗伯俞氏以獸人斂人斂人屬司空舒氏曰冢宰掌邦治天子耕籍以帥先天下治本也況周先公實以農立國乎宜可以共榮盛之文而耕為三春之事遂屬之春官哉獸人等三官皆共王膳羞於內外饗類有所聯不得而苟析也膳人下士四人府二人史二人徒二十人註膳之言夕也

欽定四庫全書

周禮注疏卷之四

五

疏乾曰膳朝曝於夕乃乾故云膳之言夕或作久字久乃乾成義亦通也

醫師上士二人下士四人府二人史二人徒二十人註

醫師衆醫之長

食醫中士二人註食有和齊藥之類

雜說食醫專和王食○王氏曰易之頤君子以節飲食益疾病之起本於氣體之不和始於飲食之不節於無事之時而順適之有道疾病何自至哉此食醫

所以設也

疾醫中士八人

雜說疾醫專治內證

瘍醫下士八人註瘍創癰也

雜說瘍醫專治外證

獸醫下士四人註獸牛馬之類

王氏曰先王愛民以及物雖物之微無不治焉所以為仁之至也○國蒙舒氏曰吳氏謂食醫之文無一

欽定四庫全書

周禮注疏卷之四

五

字及醫療事當去其名與職而取其文合於內饗俞氏以獸醫屬司空愚謂素問言不治已病治未病食醫者正治未病之事獸醫與醫師以類相從亦無可疑者况所謂人無天札物無疵癘尤君相之責非五官所能盡也

酒正中士四人下士八人府二人史八人胥八人徒八十人註酒正酒官之長

酒人奄十人女酒三十人奚三百人註奄精氣閉藏者